



ՊԱՏԻՎ ՈՒՆԵՄ



ՀԻՄՆԱԿՈՐ ԳԻՏԵԼԻՔՈՎ ԴԵՊՒ ԿՐԹԱՅԱՄԱԿԻ ԴԱՇՆԱԹԵՐԹ Թիվ 5(46), 30 հունիսի, 2022թ.

ՀՀ ՈՍՏԻԿԱՆՈՒԹՅԱՆ ԿՐԹԱՅԱՄԱԿԻ ԴԱՇՆԱԹԵՐԹ

ՀՀ ՈՍՏԻԿԱՆՈՒԹՅԱՆ ԿՐԹԱՅԱՄԱԿԻ ՈՒՍԱՆՈՂԸ ԵՎՐՈՊԱՅԻ ԱՌԱՋՆՈՒԹՅԱՆ ՓՈԽՉԵՄՊԻՈՆ Է



Մայիսի 21-31-ը երևանում կայացավ բնօրգամարտի Եվրոպայի մեծահասակների առաջնությունը: ՀՀ ոստիկանության կրթահամալիրի ակադեմիայի 3-րդ կուրսի սովորող Ռաֆայել Գեղամի Չոլիաննիսյանը բնօրգամարտի Եվրոպայի 2022 թ. առաջնությանը հռչակվեց փոխչեմպիոն:

Մրցաշարի ողջ ընթացքում Ռաֆայել Չոլիաննիսյանը, հայկական բնօրգամարտի լավագույն ավանդույթները շարունակելով, անզիջում պայքար մղեց ու թեև չհասցրեց ոսկե մեդալը, սակայն վստահ ենք՝ նրա չեմպիոնությունը դեռ առջևում է:

ԳԻՏԱԳՈՐԾՆԱԿԱՆ ՀԱՄԱԺՈՂՈՎ

ՀՀ ոստիկանության կրթահամալիրում հունիսի 10-ին կազմակերպվեց գիտագործնական համաժողով, որի ընթացքում քննարկվեցին ՀՀ նոր քրեական և քրեադատավարական օրենսդրությունը, նորույթներն ու իրավակիրառման հնարավոր խնդիրները: Համաժողովին մասնակցելու համար իրավիճակ էին ՀՀ տարբեր գերատեսչություններից մասնագետներ՝ իրավաբան գիտնականներ, իրավակիրառ պրակտիկ մասնագետներ, որոնք ներկայացրին ՀՀ դատախազությունը, ՀՀ քննչական կոմիտեն, ՀՀ հակակոռուպցիոն ծառայությունը, ՀՀ ոստիկանության շտաբը և այլ կառույցներ: Համաժողովին մասնակցում էին ներկայա-

դոցենտ Դավիթ Թումասյանը: Ձեկույցի թեման էր «Պատժի տեսակներն ու համակարգը ՀՀ նոր քրեական օրենսգրքի համատեքստում», որի ընթացքում բանախոսը համեմատական վերլուծության կարգով ներկայացրեց ՀՀ հին և նոր քրեական օրենսգրքերում առկա նորմատիվ կարգավորումները, նշվեցին հին օրենսդրությամբ մինչ այժմ առկա բացերը և իրավակիրառ պրակտիկան: Ներկայացնելով ՀՀ քրեական նոր օրենսգրքի նորմատիվ կարգավորումները Դ. Թումասյանը վերլուծության տեսքով ներկայացրեց այն կարևոր համագամանքները, որնք հիմք են հանդիսացել ՀՀ քրեական նոր օրենսգրքը մշակելու համար:



edupolice.am

ԿՐԹԱՅԱՄԱԿԻ ՀՅՈՒՐՆ Է ԳԵՐՄԱՆԻԱՅԻ ԴԱՇՆԱՅԻՆ ՀԱՆՐԱՊԵՏՈՒԹՅԱՆ ԴԵՄՊԱՆՈՒԹՅԱՆ ՈՍՏԻԿԱՆԱԿԱՆ ԿՑՈՐԴԸ



Հունիսի 8-ին ՀՀ ոստիկանության կրթահամալիրի պետի առաջին տեղակալ, ոստիկանության փոխգնդապետ Միսակ Մարկոսյանը, Միջազգային համագործակցության և ՏՏ տեխնոլոգիաների ներդրման բաժնի պետ, ոստիկանության փոխգնդապետ Գրիգորի Դավթյանը, նույն բաժնի պետի տեղակալ, ոստիկանության մայոր Կարինե Սաֆարյանը ընդունեցին Վրաստանում Գերմանիայի Դաշնային Հանրապետության դեսպանության ոստիկանական կցորդ Դիեդրիխ Էբերսին:

Մ.Մարկոսյանը ներկայացրեց կրթահամալիրի կառուցվածքը, գործունեությունը, իրականացվող կրթական ծրագրերը, դիմորդների ընդունելության կարգը, ինչպես նաև օտարերկրյա պետությունների ոստիկանական ուսումնական հաստատությունների հետ փոխգործակցություն հաստատելու ուղղությամբ տարվող շարունակական աշխատանքները:

Դ. Էբերսն իր հերթին նշեց, որ իր այցի նպատակն է Գերմանիայի Դաշնային Հանրապետության ոստիկանական ուսումնական հաստատությունների և ՀՀ ոստիկանության կրթահամալիրի միջև համագործակցության շոշափելի եզրեր գտնել: Վերջինս նաև հանդես եկավ առաջնահերթ համարվող հանցավորության ոլորտների վերաբերյալ մոտ ապագայում դարձնելու անցկացվելու առաջարկով: Հանդիպման ավարտին նա պատրաստակամություն հայտնեց աջակցելու այդ աշխատանքներին:

Քննարկմանը հետևեց շրջայց կրթահամալիրի տարածքում, փորձակայաններում, կրիմինալիստիկայի լսարաններում, մարզասրահում և ՀՀ ոստիկանության պատմության թանգարանում:

ցուցիչներ ԵՊՀ իրավագիտության ֆակուլտետի քրեական դատավարության և կրիմինալիստիկայի ամբիոնից, Հայռուսական համալսարանի քրեական իրավունքի և քրեական դատավարության ամբիոնից, ՀՀ արդարադատության ակադեմիայից, ՀՀ ոստիկանության կրթահամալիրի ակադեմիայի քրեական իրավունքի և քրեաբանության ու քրեական դատավարության ամբիոններից: Մասնակցում էին նաև Ոսանողներ Հայաստանում ֆրանսիական համալսարանից, ՀՀ ոստիկանության կրթահամալիրից:

Բացման խոսքով հանդես եկավ ՀՀ ոստիկանության կրթահամալիրի պետ, ի.գ.թ., դոցենտ, ոստիկանության գնդապետ Մանուկ Մուրադյանը և նշեց, որ համաժողովի թեման շատ արդիական է, հասարակության լայն շրջանակների կողմից այն տարբեր ընկալումներ ունի, և սույն համաժողովը ևս մեկ առիթ է լույս սփռելու բազմաթիվ մութ անկյունների վրա, որոնք ի հայտ են եկել օրենսդրության տվյալ ոլորտը կանոնակարգելիս կամ լրացնելիս: Մ. Մուրադյանը շնորհակալություն հայտնեց մասնակիցներին գիտագործնական համաժողովին մասնակցելու առաջարկը չմերժելու համար և մաղթեց արդյունավետ աշխատանքային օր:

Հնչեցին նաև ելույթներ «Հանցագործությունների բազմակիության ինստիտուտը ՀՀ քրեական նոր օրենսդրությունում (իրավահամեմատական վերլուծություն)», «Քրեադատավարական ապացուցման հիմնախնդիրները մասնավոր մեղադրանքով վարույթում», «Այլընտրանքային խափանման միջոցների ներդրման անհրաժեշտությունը և դրանց կիրառման որոշ հիմնահարցեր ՀՀ քրեական դատավարության նոր օրենսգրքով», «Սեքսուալ բնույթի բռնի գործողությունների օբյեկտիվ կողմն ըստ Հայաստանի Հանրապետության քրեական նոր օրենսգրքի կարգավորումների» և այլ թեմաներով, որտեղ բանախոսները մանրամասն ներկայացրին ՀՀ նոր և հին քրեական օրենսգրքերի նորմատիվ կարգավորումների վերլուծությունները և իրավակիրառ պրակտիկան:

Ընթացքում ծավալվեց գիտական արդյունավետ քննարկում, մասնակիցները զեկուցողներին ուղղեցին ոլորտի նորմատիվ կարգավորումներին առնչվող բազմաթիվ հարցեր:

Համաժողովն ամփոփեց ՀՀ ոստիկանության կրթահամալիրի պետի առաջին տեղակալ, ի.գ.թ., դոցենտ, ոստիկանության փոխգնդապետ Միսակ Մարկոսյանը՝ գիտական երկխոսությունը համարելով ստացված, և նշեց, որ նմանատիպ քննարկումները կարևոր են, քանի որ բազմաթիվ խնդրահարույց հարցերի տրվում են սպառնիչ պատասխաններ:

Առաջին զեկույցը ներկայացրեց ՀՀ ոստիկանության կրթահամալիրի ակադեմիայի քրեական իրավունքի և քրեաբանության ամբիոնի դասախոս, ի.գ.թ.,

ՈՒՍԱՆՈՂԱԿԱՆ ԽՈՐՀՐԴԻ ԱՄՓՈՓԻՉ ՆԻՍՏԸ

Հունիսի 16-ին տեղի ունեցավ ՀՀ ոստիկանության կրթահամալիրի ուսանողական խորհրդի 2021-2022 ուստարվա երկրորդ կիսամյակի ամփոփիչ նիստը: Բացման խոսքով հանդես եկավ ուսանողական խորհրդի նախագահ, ոստիկանության կրտսեր սերժանտ Հ. Հարությունյանը և ներկայացրեց կիսամյակի ընթացքում կատարված աշխատանքները: Նա նշեց, որ ուսանողական խորհուրդը հիմնականում կատարել է իր առջև դրված խնդիրները: Նիստում անդրադարձան նաև առկա

բացթողումներին, որոնք ունեն հարկավորվում են: Անդրադարձան նաև այն փաստին, որ սովորողների կողմից առաջարկված մտահոգիչ հարցերը հաջողությամբ լուծվել են Կրթահամալիրի ղեկավարության համեմատարակա՝ Քննարկվեց նաև ՈւՆ Կրթահամալիրի գործունեության ծրագիրը: Նիստի ավարտին ՈւՆ նախագահը շնորհակալություն հայտնեց խորհրդի անդամներին՝ համատեղ աշխատանքի և գրանցած արդյունքների համար:



ՀԱՆԴԻՊՈՒՄ ՍԱՀՄԱՆԱԴՐԱԿԱՆ ԲԱՐԵՓՈԽՈՒՄՆԵՐԻ ԽՈՐՀՐԴԻ ԵՎ ՄԱՍՆԱԳԻՏԱԿԱՆ ՀԱՆՁՆԱԺՈՂՈՎԻ ԱՆԴԱՄՆԵՐԻ ՀԵՏ



Հունիսի 15-ին ՀՀ ոստիկանության կրթահամալիրում տեղի ունեցավ սահմանադրական բարեփոխումների խորհրդի անդամ Մ.Մելքոնյանի և սահմանադրական բարեփոխումների մասնագիտական հանձնաժողովի անդամ Գ.Հակոբյանի հանդիպումը Կրթահամալիրի ակադեմիայի պրոֆեսորադասախոսական անձնակազմի հետ: Հանդիպման ընթացքում դասախոսները ներկայացրին գործող Սահմանադրությանը նախատեսված առանձին կարգավորումների վերաբերյալ իրենց նկատառումները և համապատասխան առաջարկություններ արեցին:

Ծավալվեց բովանդակալից քննարկում, որի ավարտին հյուրերը փաստեցին, որ հանդիպումն արդյունավետ էր, և Կրթահամալիրի պրոֆեսորադասախոսական անձնակազմի կողմից ներկայացված նկատառումներն ու առաջարկությունները հաշվի կառնվեն սահմանադրական բարեփոխումների խորհրդի և մասնագիտական հանձնաժողովի կողմից:

ՄԵԿՆԱՐԿԵՑԻՆ ՊԱՐԵԿԱՅԻՆ ԾԱՌԱՅՈՒԹՅԱՆ ԸՆԴՈՒՆԵԼՈՒԹՅԱՆ ԱՏՈՒԳՈՒՄՆԵՐԸ

ՀՀ ոստիկանության պարեկային ծառայությունում պաշտոնի նշանակվելու նպատակով ուսուցման երրորդ հոսքի ընդունելության շրջանակներում ՀՀ ոստիկանության կրթահամալիրում հունիսի 6-ին մեկնարկեց առաջին՝ մասնագիտական պիտանելիության համապատասխանության համալիր ստուգումը (թեստավորումը): Ընդունելության ստուգմանը ներկա էին ընդունող հանձնաժողովի նախագահի տեղակալ, Կրթահամալիրի պետ, ոստիկանության գնդապետ Մ.Մուրադյանը, ընդունող հանձնա-

ժողովի անդամները: Ընդունելության ստուգումները կիրականացվեն հունիսի 6-ից մինչև հունիսի 15-ը ներառյալ: Յուրաքանչյուր ստուգումից հետո արդյունքները հասանելի կլինեն հետևյալ հղումով՝ <https://www.edupolice.am/patrol/exam.html> Ստուգումները հաջողությամբ հաղթահարած դիմորդները կանցնեն ՀՀ ոստիկանության կրթահամալիրում 5-ամսյա ուսումնառության: Մաղթում ենք հաջողություն:



ԻՄ ԿԱՐԴԱԳՈՒՅՆ ԶԱՂԱՔ, ԻՄ ԵՐԵՎԱՆ



Անտարակույս, Եվրասիայի շատ այլ կետերում քիչ չեն հնագույն քաղաքներ, իսկ ավելի շատ՝ հին քաղաքների ավերակներ, սակայն ո՞րն է Երևանի տարբերությունը այդ հին քաղաքներից. այն, որ նա ունի իր ծննդյան գրավոր վկայականը, իր հիմնադրման տարեթիվը, որի միայն ամիսներն ու օրերը չեն հայտնի: Երևանի ծննդյան սեպագիր վկայականը գտնվել է Արին-բերդ բլրի վրա: Երևանի արվարձան Նոր Գյուղի բնակիչ Պապո Տեր-Ավետիսյանը 1879 թվականին բլրի տակի իր հողամասում գտնում է (անշուշտ, բլրից գլորված) մշակված բա-

զալտի մի բեկոր: Քարի մի կողմի սրբատաշ լինելը և վրան անծանոթ սեպածև ուղիղ գծերը գրավում են գյուղացու ուշադրությունը: Նա ծանր քարը բերում է իր տուն և պահում սրբությամբ: Արին-բերդ բլրի գագաթի ընդարձակ հարթակի վրա էր, որ ծայրը ցցված քարը գետնից հանելուց հետո հայտնվեց Ար-գիշտիի շինարարական արձանագրությունը: Սկսված պեղումները հողի տակից աշխարհի հանեցին մի քաղաքի ճոխ միջնաբերդի ավերակներ և մի քաղաքի անուն՝ Երեբունի, որը հազարամյակներով պահ էր տրված հայրենի հողին: Տա-

րիների պեղումներով հայտնաբերվեցին վարչական, տնտեսական և բնակելի շենքերի ավերակներ՝ համապատասխան սեպագիր արձանագրություններով և հիասքանչ արվեստով արված որմնակարներով: Ավելի վաղ շրջանում Վանից հայտնաբերված նյութերը, համադրելով նոր գտնվածների հետ, գիտնականները հավաստիացրին, որ Երեբունի քաղաքը, որը գտնվում է Երևանի տարածքում, հին Երևանն է: Գտնվել էր Երևանի անձնագիրը՝ համաձայն որի Երեբունի-Երևանը կառուցվել էր Ք. Ա. 782 թվին: Ժամանակի ընթացքում քաղաքի վարչական տարածքը մեծացավ 5 անգամ: Սկսվեց կառուցապատումը. Երևանը կառուցապատվում էր բազալտով, գրանիտով, մարմարով: Ամենատարածված շինանյութը վարդագույն տուֆն էր: Եվ քանի որ այդ շինանյութն ինքնատիպ գունագեղություն ու առանձնահատուկ երանգ էր տալիս քաղաքին, Երևանն անվանեցին «վարդագույն քաղաք»: Հետագա տարիների ընթացքում մայրաքաղաքի տարածքն էլ ավելի ընդլայնվեց: 1991թ. սեպտեմբերի 21-ին Երևանը դարձավ ոչ միայն անկախ Հայաստանի Հանրապետության, այլև աշխարհասփյուռ հայության մայրաքաղաք: Ժամանակակից, բայց մշակութային ինքնությունը պահպանած Հայաստանի վարդագույն մայրաքաղաքին դժվար է չհիրահարվել:

Երևան՝ աշխարհի հնագույն քաղաքներից մեկը, որը, ժամանակի ընթացքում բազմաթիվ փոփոխությունների ենթարկվելով, պահպանել է անցյալի դրոշմը: Դարերի ընթացքում քաղաքը մնացել է կանգուն՝ անցնելով բազում արհավիրքների ու փորձությունների միջով: Ժողովուրդը շարունակում էր արարել՝ դիմակայելով բոլոր արհավիրքներին: Ձուգահեռաբար ստեղծվել է քաղաքակրթություն՝ արժեքավոր մշակույթով ու գիտությամբ: Մեր վարդագույն քաղաքն ունի մի տխուր բարձունք, այնտեղ ոչինչ վարդագույն չէ, այնտեղ ամեն ինչ սև ու սպիտակ է՝ շրջապատված եռագույնով: Եռաբլուրի բարձունքում՝ հայրենիքի համար նահատակված հայ քաջորդիների շիրիմների կողքով անցնելիս հասկանում ես մի ճշմարտություն՝ հայը գենը է վերցնում սիրուց՝ մայր հողի, հարազատի, մերձավորի հանդեպ ունեցած սիրուց, նրանց արժանապատվությունն ու կյանքը պաշտպանելու գիտակցումից դրդված: Խաղաղությամբ մնջեք, մեր հերոսներ, Ձեր չկրակած փամփուշտներով մենք՝ ողջերս, կշարունակենք պաշտպանել արյունով մյուռոնված մեր հողը: Եռաբլուրի արևներն ամեն ինչ արել են, որ մեր Հայրենիքի գույները չխաթարվեն, որ իրենց շողերով մենք մեր Հայրենիքի գույները վերականգնենք: ▶ 3

ԱՍՓՈՓԻՉ ԱՏԵՍԱՎՈՐՈՒՄ



Հունիսի 13-ին Կրթահամալիրում մեկնարկեց ակադեմիայի իրավագիտության ֆակուլտետի բակալավրիատի առկա վճարովի, անվճար և հեռակա ուսուցման 2021-2022 ուսումնական տարվա ամփոփիչ ատեստավորումը, որի կապակցությամբ հրավիրվել էր խորհրդակցություն:

Քննարկմանը ներկա էին առարկայական հանձնաժողովների նախագահները, անդամները և ընդհանուր հանձնաժողովի անդամները: Հանդիպման ընթացքում քննարկվեց պետական ամփոփիչ ատեստավորումը պատշաճ անցկացնելու անհրաժեշտությունը, ստուգվեցին նախապատրաստական աշխատանքների իրականացման արդյունքները:

ՀՀ ոստիկանության կրթահամալիրի պետ, ամփոփիչ ատեստավորման ընդհանուր հանձնաժողովի նախագահի տեղակալ, ոստիկանության գնդապետ ՄզՄուրադյանն իր գոհունակությունը հայտնեց անհրաժեշտ նախապատրաստական աշխատանքները պատշաճ իրականացնելու համար:

Համաձայն Կրթահամալիրի ակադեմիայի բակալավրիատի 2021-2022 ուստարվա շրջանավարտների ամփոփիչ ատեստավորման և նախորդ տարիների շրջանավարտների վերատեստավորման ժամանակացույցի ավարտական աշխատանքները կտևեն մինչև հուլիսի մեկը:

ԿԱՅԱՑԱՎ ԹՐԱՖԻԻՆԵՐԻ ԴԵՍ ՊԱՅՔԱՐԻ ԿԵՐԱԲԵՐՅԱԼ ՄԻՋԱԶԳԱՅԻՆ ԳԻՏԱԳՈՐԾՆԱԿԱՆ ՀԱՄԱԺՈՂՎԸ

Հունիսի 15-ին ՀՀ ոստիկանության կրթահամալիրում կայացավ «Թրաֆիքինգի դեմ պայքարի քրեաիրավական, քրեաբանական և քրեադատավարական խնդիրները» թեմայով միջազգային գիտագործնական համաժողով: Առցանց համաժողովին մասնակցում էր ՀՀ, ՌԴ, Ուզբեկստանի Հանրապետության ՆԳՆ ուսումնական և գիտահետազոտական 12 հաստատության 17 ներկայացուցիչ:

ՀՀ ոստիկանության կրթահամալիրի պետ, ոստիկանության գնդապետ Մանուկ Մուրադյանը բացման խոսքում ողջունեց և շնորհակալություն հայտնեց համաժողովի մասնակիցներին, ընդգծեց համաժողովի թեմայի կարևորությունը ու արդիականությունը ոչ միայն մասնակից երկրների, այլև ամբողջ աշխարհի համար. «Թրաֆիքինգը (մարդկանց առևտուրը) համաշխարհային խնդիր է, որը պահանջում է պետությունների ու միջազգային կառույցների միացյալ և համընդգրկուն պայքար՝ ընդդեմ անդրազգային կազմակերպված հանցավոր խմբերի դեմ՝ հաշվի առնելով տվյալ հանցագործության զարգացման բազմաշերտ փուլերը: Այս խնդիրը գնալով աճում է՝ տնտեսական գլոբալիզացիայի, աշխարհաբաղաբանական, մշակութային, սոցիալական փոփոխությունների գուզընթաց»: Կրթահամալիրի պետը հաջողություն մաղթեց մասնակիցներին՝ նշելով, որ տվյալ հանդիպումը հնարավորություն է ընձեռում ծանոթանալու խնդրի վերաբերյալ մասնագետների վերլուծություններին, գիտահետազոտական արդյունքներին, թրաֆիքինգը կանխարգելելու ուղղված հետազոտական ջանքերին:

ՌԴ ՆԳՆ Սիբիրի իրավաբանական ինստիտուտի պետի պաշտոնակատար, ոստիկանության գնդապետ Նիկոլայ Ցուկանովն էլ իր հերթին շնորհակալություն հայտնեց կազմակերպիչներին և նշեց, որ այս համաժողովը լավ առիթ է այսուհետ հաճախ համագործակցելու ՀՀ ոստիկանության կրթահամալիրի հետ: Նա նաև վստահեցրեց, որ տեսաբանները լիարժեք կկարողանան բացահայտել լուրջ մարտահրավերներ ներկայացնող հանցագործության դեմ պայքարի հիմնախնդիրները:



Երախտիքի խոսք հայտնեց նաև ՌԴ ՆԳՆ Վոլգոգրադի ակադեմիայի գիտական աշխատանքների գծով պետի տեղակալ, ոստիկանության գնդապետ Ալեքսեյ Ալեքսեևը՝ մաղթելով արդյունավետ քննարկումներ:

Համաժողովի ընթացքում մասնակիցները զեկույցներով անդրադարձան խնդրի քրեաիրավական, քրեաբանական, քրեադատավարական ոլորտների ուսումնասիրմանը ԱՊՀ երկրներում: Ներկայացվեցին արարքը կատարած անձին քրեական պատասխանատվության ենթարկելու, գործի քննության, ապացուցման գործընթացի, հանցագործության համակցման, ներպետական ու միջազգային օրենսդրական կարգավորումները, դատահոգեբանական մոտեցումները: Առանձնակի մանրամասնությամբ բանախոսները վերլուծեցին թրաֆիքինգի տեսակները, ներկայացրին դրա վերաբերյալ իրականացրած վիճակագրական աշխատանքները՝ բացահայտելով տվյալ հանցագործության լատենտայնության բարձր աստիճանը, տուժած անձանց թիրախային խմբերը և քրեածին տարրերը: Բանախոսներից յուրաքանչյուրը նոր լուծումներ առաջարկեց թրաֆիքինգի կանխարգելման մեխանիզմների ներդրման համար:

Ակտիվ քննարկում ծավալվեց թրաֆիքինգի մասին ՀՀ և ՌԴ քրեաիրավական նորմերի տարբերությունների վերաբերյալ:

Համաժողովը վարում էր ՀՀ ոստիկանության կրթահամալիրի պետի առաջին տեղակալ, ոստիկանության փոխգնդապետ Միսակ Մարկոսյանը, որը, ամփոփելով համաժողովի արդյունքները, հույս հայտնեց, որ նմանատիպ հանդիպումները կկրեն շարունակական բնույթ և հաջորդ անգամ կիրականացվեն առկա հանդիպման ձևաչափով:

ԻՄ ՎԱՐԴԱԳՈՐԻՅՆ ԶԱՂԱՔ, ԻՄ ԵՐԵՎԱՆ

2 Արևն ու լույսը ծագում են Արևելքից: Արարչագործության կենտրոնը, ըստ օտար աղբյուրների, Հայաստանն է: Ասիներն այստեղից են ծագում մշակույթն ու քաղաքակրթությունը: Արևելքից է ծագում նաև հոգևոր լույսը, որի մասին խոսելիս արդեն գործ ունենք աստվածային աշխարհի հետ: Առանց հոգևոր լույսի մարդկությունը կխարխալվի վայրի խավարի մեջ ու չէր զանազանվի կենդանական աշխարհից: Մենք ստեղծեցինք մեր ինքնատիպ ճարտարապետությունը, արվեստը, գրականությունը և գիտությունը՝ հոգևոր-մշակութային, քաղաքակրթա-

կան բոլոր այն հիմքերը, որոնցով հպարտանալու իրավունք ունենք հավիտենապես:

Երևանը բացառիկ է նաև իր աշխարհագրական դիրքով: Այն գտնվում է երեք կողմերից լեռներով շրջապատված պլատոյի վրա: Հյուսիս-արևմուտքից Արագած լեռն է, հյուսիսից՝ Քանաքեռի սարահարթը, արևելքից՝ Գեղամա լեռները: Եվ քաղաքի զրեթե յուրաքանչյուր կետից կարելի է վայելել Հայաստանի խորհրդանիշ Արարատ լեռան գեղեցկությունը, որին որբացրել ու անմայր են թողել, սակայն, միևնույն է, նա, լինելով տարագիր, իր ստորոտին, իր հովի տակ է



առել Արարատյան դաշտավայրն ու մեր սիրելի վարդագույն քաղաքը: Եվ դա շատ խորհրդանշական է՝ աշխարհի գեղեցկագույն լեռներից մեկի ստորոտին սփռված վարդագույն քաղաքն է, որը հայերի շատ սերունդների երազանքն է:

Չուր չէ, որ Պարույր Սևակը, Հովհաննես Շիրազը, Վլադիմիր Հարությունյանը և շատ ու շատ հայ երախտավորներ բազում գեղեցիկ տողեր են նվիրել մեր չքնաղ մայրաքաղաքին, մեր Հայաստան աշխարհին... Գեղեցիկ է Երևանը, միայն նրա համար, որ մերն է, բայց մի բան ակնհայտ է՝ որքան շատ են խորանում

նրա կենսագրության մեջ, այնքան ավելի են սիրում նրան:

Հայերն ունեն բոլոր իրավունքներն իրենց տեսակով ու ունեցածով հպարտանալու համար:

Մենք մեզ ո՛չ որից չենք գերադասում: Պարզապես մենք էլ պիտի ընդունենք, որ մենք, միայն մենք Արարատ ունենք, եվ որ այստեղ է՝ բարձրիկ Սևանում, երկինքը իր ճիշտ պատճենը հանում...

Աննա Սարուխանյան
ոստիկանության մայր



ՀԱՋՈՂՈՒԹՅՈՒՆ ԿԵՐՋՆԱԿԱՆ ՉԷ, ՊԱՐՏՈՒԹՅՈՒՆ ԵՎ ԵՎԻԿԱԿՐԱԿԱՆ ՉԷ, ԶԱՋՈՒԹՅՈՒՆ ՈՒՆԵՆԱԼ ՀԱՐՈՒՆԱԿԵԼՈՒ. ԱՐԱ՛ ԹԵ ԻՆՉՆ Է ԱՍԵՆԱԿԱՐԵՎՈՐԸ

«Կրթահամալիրի սովորողները» խորագրով նախագծի շրջանակներում այս անգամ գրուցել ենք 33 ուսուցիչական կրթահամալիրի ակադեմիայի իրավագիտության ֆակուլտետի բակալավրիատի 3-րդ կուրսի սովորող Ռաֆայել Հովհաննիսյանի հետ: Մեծ հպարտությամբ կարող ենք նշել, որ մայիսի 31-ին նա դարձավ Եվրոպայի առաջնության փոխչեմպիոն:

Գնացի՛ր...

Առաջին հարցը, իհարկե, խոսելով չեմպիոնի հետ, պետք է հնչի բռնցքամարտից: Ի՞նչն են համարում թո հաջողությունների գաղտնիքը:

- Միայն ու միայն քրտնաջան աշխատանքը, բայց խելացի կերպով, ոչ մի բան երբևիցե հեշտ չի տրվում: Աշխատել, աշխատել ու նորից աշխատել:
- Իրավագիտություն, բռնցքամարտ, ինչպես և համատեղում երկու միմյանց հետ կապ չունեցող ոլորտները:
- Սկզբից չէի ցանկանում սովորել ոչ մի մասնագիտությամբ: Մայրս դրա հետ չէր համակերպվում: Զետո ինքս հասկացա, որ եթե ուժը գերազանցի խելքին, ապա ուղղակի չեմ կարողանա ճիշտ աշխատանք տանել թե՛ պարապմունքներին, թե՛ ռինգում: Ու քանի որ չեմ սիրում մաթեմատիկա, որոշեցի իրավաբանական կրթություն ստանալ: Գերազանց չէ, բայց կարողանում եմ լիովին համատեղել:

Ի՞նչ է սպորտը քեզ համար:
- Սպորտը մի մեծ աշխարհ է, որտեղ ամեն մարդ կարող է իր անկյունը գտնել:

Ի՞նչ կասես մեծամարտի մասին:
Դժվար է:

- Ունեցել եմ 4 մեծամարտ, մեծամարտերից հետո՝ տարբեր վնասվածքներ, լարվածություն՝ ողջ մրցման ընթացքում: Միանշանակ դժվար էր, բայց դա նորմալ էր. գիտեի՝ ինչ է սպասվում:
- Ապագա ծրագրերն արդեն հայտնի՞ են:

- Կոնկրետ այս պահին միակ ծրագիրը, որ ունեմ, վերականգնվելն է, Իսկ հետո՝ նորանոր մրցումներ ու միայն հաղթանակներ:
- Ինչպե՞ս ընդունեցիր մեծ ուշադրության հոսքը դեպի քեզ: Դժվար չէ՞ր:

- Բավականին դժվար էր. երբևիցե նման ուշադրության չէի արժանացել, չէի պատկերացնում, որ անձանոթ միջավայրում նման ուշադրության կարժանանամ, ընդհուպ՝ այս արտասայտությունը կարող եմք նկարվել:
- Մինչև ե՞րբ եք նախատեսում մնալ պրոֆեսիոնալ բռնցքամարտում:

- Միայն կասեմ, որ սպորտը կարճ կյանք ունի:

- Խոսենք մանկությունից: Ինչպիսի՞ն էր այն, ո՞վ էր թո հերոսը:

- Ունեցել եմ շատ գունեղ մանկություն, մանկապատանեկան տարիքից ակտիվ եմ եղել թե՛ մանկապարտեզում, թե՛ դպրոցում:
- Իսկ որո՞նք են եղել մանկության տարիների խաղերը:

- Բակում միշտ ընկերներս հետ սիրել եմ ֆուտբոլ խաղալ:
- Ինչպիսի՞ն էին դպրոցական տարիները: Կպատմե՞ս այդ տարիներից:

- Սովորել եմ 162 միջնակարգ դպրոցում: Շատ հետաքրքիր տարիներ էին, սակայն մրցումներին պատճառով բացակայություններս շատ են եղել:
- Գիրք. ո՞ր գիրքն է, որ երկրորդ անգամ կընթերցես:

- «Սրճարան աշխարհի եզրին»:
- Խոսենք հորբիներից. ի՞նչն է, որ մի քանի ժամով քեզ կտրում է իրական կյանքից:

- Զբոսանքը և վիրտուալ խաղերը:
- Ինչի՞ մասին էիր երազում պատանեկության տարիներին:

- Պատանեկության երազանքս Ելու Յորքում լինելն էր: Չափից շատ եմ սիրում այդ քաղաքը:
- Ուսանողական տարիներ. ինչպիսի՞ն է Կրթահամալիրում ուսանողական կյանքը:

- Ուսանողական կյանքս նույնպես բացակասերով լի է՝ իհարկե մրցումների պատճառով, բայց ժամանակ առ ժամանակ լիովին տրվում եմ դասերին:
- Եթե հնարավորությունը, ի՞նչ կընտրեիր:

- Մասնագիտությունս փոխելու դեպքում կընտրեի սպորտային բժշկիչ:
- Ի՞նչ խորհուրդ կտաս նրանց, ովքեր ցանկանում են ընտրել Կրթահամալիրը:

- Կասեմ, որ շատ ճիշտ ընտրություն է, քանի որ հնունտ իրավաբան դառնալու համար Կրթահամալիրն ունի բոլոր պայմանները:
- Շարժաթի. ո՞րն է կյանքի շարժառի-



թը քեզ համար:
- Իմ եսն ավելի ու ավելի կատարելագործել:
- Թե՛նա, որի շուրջ անդադար կխոսես:
- Միանշանակ սպորտ:

Բլից հարցեր Պատասխանում ենք կարծ և արագ

- Երեք բառ, որով կընորոշես ինքդ քեզ:
- Բարություն, կամք, հավատարմություն:

- Միտք, որն առաջինը ծագում է արթնանալիս:

- Այսօր քանիսի՞ն եմ մարզվելու:
- Օրը սկսում ես ժամը...
- Առավոտյան ժամը 8-ից:

- Սիրածդ աֆորիզմը:

- Դժվարությունը վերջնական չէ, պարտությունը ճակատագրական չէ, քաջություն ունենալ շարունակելու. ահա՛ թե ինչն է ամենակարևորը:

- Սիրելի գեղամուճը:

- Ընկերներիս հետ ժամանակ անցկացնել:

- Խորհուրդ, որը կտայիր:

- Արածի համար չփոշմանել:

- Թե՛, թե՛՞ սուրճ:

- Միանշանակ թեյ:
- Իսկ վերջում... (ավելացրո՛ւ այն, ինչ մտքովդ անցնում է այս պահին)

- Շնորհակալություն Ձեզ...
- Մենք քեզ նոր հաղթանակներ ենք ցանկանում:

Հարցազրույցը վարեց ոստիկանության կապիտան Մարիետա Խերամյանը

Թնավոր խոսքեր հայ դասնագրության մեջ

Սովետ խորհրդանշան

* Քաջերի սահմանը նրանց գեներ է. որքան կտրում է, այնքան էլ գրավում է:
* Խոհեմ իմաստությամբ կարելի է հաղթել մեծ գորությամբ:

* Պատերազմն իմաստությամբ ավելի լավ է մղվում, քան բազմաթիվ ձեռքերի միջոցով:
* Քաջերի սերունդները քաջեր են:
* Ծնվեց մահկանացու, բայց իր մասին թողեց անմահ հիշատակ:

Փավստոս Բուզանդ

* Նրանք մեռան մեր աշխարհի եկեղեցիների և աստվածատուր հավատի համար, մեռան, որպեսզի մեր աշխարհը չգերվի, քարուքանդ չլինի:

* Նրանք գերադասում էին մեռնել, քան օտար աշխարհում ժամանակ անցկացնել:

* Աշխարհի համար պետք է համարձակ մեռնել:
* Երկրի վրա քաջության անուն թողեք:

Եղիշե

* Ով որ չգիտի, թե ինչ է մահը, վախենում է մահից:

* Լավ է աչքով կույր լինես, քան մտքով:

* Վախը թերահավատության նշան է:
* Քանի որ նահատակություն բառը բազմանշանակ բառ է, նա էլ բազմապիսի շնորհներ է բաժանում մարդկանց:

* Բոլոր առաքինություններից գլխավորը համբերությունն է:

Եզնիկ Կողբացի

* Որիչի աշխարհի վրա աչք ունենալը ոչ թե արդարի, այլ անիրավի գործ է:
* Ոչ ոքի մի տրտմեցմի որ ոչ ոքից մի տրտմիր:

Սեբեոս

* Մի խախտիր հավատի սահմանները, որոնք հաստատել են թո հայրերը:
* Լավ է մեռնել և ազատվել չար ծառայությունից, քան թե ապրել:

ՄԱՌՈՒՄԻ ՏՐԱՄԱԲԱՆՈՒԹՅՈՒՆԴ

1. Եթե գիշերվա 12:00-ին անձրև է գալիս, ապա կարելի է արդյոք ակնկալել, որ 72 ժամ հետո արևոտ եղանակ կլինի:
2. Ջորջ Վաշինգտոն, Շերլոք Հոլմս, Ուիլիամ Շեքսպիր, Լյուդվիգ Վան Բեթհովեն, Նապոլեոն Բոնապարտ և Ներոն: Այս ցուցակում ո՞վ է սկզբունքորեն տարբերվում մյուսներից և ինչո՞ւ: (պատասխանները՝ հաջորդ համարում)

Թ

վում էր, թե սովորական կիրակի էր 2020 թվականի սեպտեմբերի 27-ը: Լուսաբացին, որ արևն իր շողերը նոր էր տարածում արցախյան բերրի ու հյուրընկալ հողի վրա, որ երկինքը ջինջ ու պարզ-կա էր, մենք չէինք էլ կարող պատկերացնել, որ այդ հանգստությունը մի վայրկյանում անհետ կկորչի, Արցախ աշխարհի տարբեր մասերում կփլվեն շենքեր, տներ, մարտական հենակետեր և ամեն բան, մարդիկ արտասվող աչքերով ու տազնապահար կհեռանան հայրենիքից: Պատերազմ էր սկսվել Արցախ աշխարհում. ու այդ չարաբաստիկ օրվանից երկիրս սև հագավ: Մարտական գործողություններն սկսվեցին առավոտյան ժամը 07:10-ին և ընթանում էին արցախա-ադրբեջանական շփման գծի ողջ երկայնքով: Ի պատասխան պատերազմի՝ Հայաստանում և Արցախում հայտարարվեց ռազմական դրություն և ընդհանուր զորահավաք: Պատերազմ մի բառ, բայց անբա՛ն ցավոտ և ողբերգական, այնքա՛ն բան կա ասելու պատերազմի մասին... Հիմա երբ հետադարձ հայացք ենք գցում և վերհիշում ասրած և զգացած օրերը, սրտի ցավն ու հոգու դա-

ԹՈՂ ԿՈՐՉԵՆ ԲՈԼՈՐ ՊԱՏԵՐԱԶՄՆԵՐԸ

«Հայրենիք մի՛ սպասեք օտարից և ճակատագրից, եթե դա ձեր արյունով պաշտպանելու չափ հայրենասեր չեք» Գարեգին Նժդեհ

տարկությունը պարուրում է յուրաքանչյուրին: Քառասունչորս օր տևեց այդ մղձավանջը, որի թողած տպավորությունները և հետևանքները մեզ կուղեկցեն ողջ կյանքում: Ամեն անգամ փողոց դուրս գալիս, քայլելիս, խոսելիս, ժպտալիս մեզ մեղավոր ենք զգում, չենք կարողանում մայել հերոսների հարազատների աչքերին: Գնացին տղերքը... Չէ՛, պատերազմը տարավ, տարավ անվերադարձ: Ո՞վ կմտածեր, որ մեր հասակակից պատանիներն այնքան մեծացան, որ իրենց կյանքը տվեցին մեզ համար...Ախր շատերը դպրոցական նստառանցի վեր կացել ու միանգամից բանակ էին գնացել, չէին հասցրել երիտասարդությունը վայելել, շատերը թողել էին իրենց սիրած աղջիկներին, վերադառնալուց հետո ամուսնանալ խոստանալով՝ բարձրացել դիրքեր, շատերը նոր էին ամուսնացել, իրենց կանանց ամուր գրկել, վերադառնալ խոստացել, մի մասն էլ թողել էին իրենց

երեխաներին, ծեր ծնողներին, քույր-եղբայրներին, գնացել էին մեծ գործ կատարելու՝ հայրենիքը պաշտպանելու, որ իրենց ազգն ապրի իր հողի վրա, նոր սերունդներ ծնի՝ հայի արյունով, որի մեջ դարերի պատմություն կա, հարյուրամյակների վրեժ, հերոսների քաջություն ու անկախագրելի սեր դեպ հայրենիքը:

Դուք խոստացել էիք վերադառնալ, բայց ավա՛ղ... Ամեն ինչից թանկ Հայրենիքն է. եթե չլինի մեր երկիրը, չենք լինի նաև մենք: Ցանկացած գինվոր հերոս է, հերոս է այն գիտակցության ու պատասխանատվության զգացումով, որով գնում է ծառայելու, գուցե՛ն մեռնելու: Ո՛չ պատերազմն է կանխատեսված, ո՛չ էլ մահը: Անկախագրելի է այդ օրերի ցավն ու վիշտը, հայ մայրերի սպասումն իրենց զավակներին:

Տարիներ հետո գուցե վերադարձնենք մեր հայրենիքի սահմանները, օտար ավերում պատմություն փնտրող հայը կվերա-

դառնա իր օջախ, մենք հաշվի կառնենք դառը դասերը, սակայն անդառնալի են այն կորուստները, որոնք չենք կարող հետ բերել, մենք կորցրել ենք աշունձափրտ տղաների, բազում միմուճարների: Այսօր հազարավոր ծնողների աչքեր չեն չորանում, այդ աչքերն իրենց զավակների ճամփին են, մայրերը սևազգեստ են, քույրերը՝ գլխիկոր, իսկ կանայք չգիտեն՝ ինչ պատասխան տան հերոսացած հայրերի երեխաներին, որոնք իրենց ամեն մի օրը լուսացնում են հայրերի վերադարձին սպասելով: Արցախում կյանքը շարունակվում է, այն փորձում է հաղթել մահին. միայն թե մեր տղաները մեզմից չհեռանային...

Փառք և խոնարհում բոլոր նահատակների, նրանց սիրանքն անմահ է, ամուրը միշտ պատմելի, իսկ գործը՝ շարունակելի: Համբերություն և տոկունություն ազգիս:

Լիանա Խրշոյան
ոստիկանության ավագ լեյտենանտ



Լրատվական գործունեություն իրականացնող ՀՀ ոստիկանության կրթահամալիր ՊՈԱԿ, հասցե՝ ք. Երևան, Ծովակալ Իսակովի փողոց, 29, հեռախոս՝ 010 77 08 73: Գրանցման վկայական՝ 29021003884:

Տպագրվել է «ՁՄՆՊԱԿ» իրատարակչության տպարանում Ծավալը՝ 1 մամուլ: Տպաքանակը՝ 300 օրինակ: Ստորագրված է տպագրության 30. 06. 2022թ.:

Համակարգչային շարվածքը՝ «Պատվի ունեն» ամսաթերթի: